



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Ordo sepeliendi parvulos.

urn:nbn:de:hbz:466:1-41233

dotibus & Clericis, quam secularibus & laicis, servari debet, in Officio sepulturae, in die depositionis, si ve in die tertio, septimo, trigesimo, & anniversario: item in visitatione sepulchri, pro consuetudine locorum, praedictis diebus faciendâ.

De Exequiis Parvulorum.

Parvuli, qui post Baptismum ante usum rationis eripiuntur, oratione Ecclesiae non indigent; quia nihil damnationis est in his, qui sunt in Christo Iesu, & non secundum carnem ambulaverunt: & sicut injuriam faceret Martyri, qui pro Martyre oraret; ita innocentiae Baptismali injurius esset, si quis eis salutis requiem precaretur, qui innocentes, immaculati, puri, ac Deo dilecti, effecti sunt cohaeredes Christi, ita ut nihil prorsus eos ab ingressu caeli remoretur.

Quia tamen horum corpusculis, tanquam organis & vasis, sanctus infusus fuit Spiritus; etiam illorum funera officiosâ sunt pietate curanda, in protestationem fidei, resurrectionis, & ad laudem divinae providentiae, sub qua & ista regeneratorum corpora requiescere creduntur.

Ordo sepeliendi Parvulos.

Cum igitur infans, vel puer baptizatus, defunctus fuerit ante usum rationis, imponitur ei corona de floribus, seu de herbis aromaticis & odoriferis, in signum integritatis carnis, & virginitalis; & Parochus, superpelliceo & stolâ albâ indutus, & alii de Clero (si adsint,) precedente Cruce, quae sine vel cum hasta deferretur, accedunt ad domum defuncti cum Clerico, vel alio, aspersorium deferente. Sacerdos aspergit corpus; deinde dicit, vel cantat:



Antiph. Sit nomen Domini. E u o u a e.

Psalmus 112.

Laudate pueri Dominum: laudate nomen Domini.

Sit nomen Domini benedictum: ex hoc nunc & usque in sæculum.

A solis ortu usque ad occasum: laudabile nomen Domini.

Excelsus super omnes gentes Dominus: & super cælos gloria ejus.

Quis sicut Dominus Deus noster, qui in altis habitat: & humilia respicit in cælo & in terra?

Suscitans à terra inopem: & de stercore erigens pauperem.

Vt collocet eum cum principibus: cum principibus populi sui.

Qui habitare facit sterilem in domo: matrem filiorum lætantem.

Gloria Patri, & Filio, & Spiritui sancto.

Sicut erat in principio, &c.



Antiph. Sit nomen Domini benedictum,

ex



ex hoc nunc, & usque in sæculum.

Postea dicitur: Kyrie eleison. Christe eleison. Kyrie eleison. Pater noster *secreto*. *Interim corpus aspergit*. *Vers.* Et ne nos inducas in tentationem. *Resp.* Sed libera nos à malo. *Vers.* Me autem propter innocentiam suscepisti. *Resp.* Et confirmasti me in conspectu tuo in æternum. *Vers.* Dominus vobiscum. *Resp.* Et cum spiritu tuo.

Oremus.

OMnipotens & mitissime Deus, qui omnibus parvulis, renatis fonte Baptismatis, dum migrant à sæculo, sine ullis eorum meritis, vitam illico largiris æternam, sicut animæ hujus parvuli hodie credimus te fecisse: fac nos, quæsumus Domine, per intercessionem beatæ Mariæ semper Virginis & omnium Sanctorum tuorum, hîc purificatis tibi mentibus famulari, & in Paradiso cum beatis parvulis perenniter sociari. Per Christum Dominum nostrum. *Resp.* Amen.

Dum portatur ad Ecclesiam vel Cœmeterium, dicitur Psalmus: Beati immaculati, &c. & si tempus superest, dici potest Psal. Laudate Dominum

Pag. 216.

Pag. 292.

de cælis. *cum aliis duobus sequentibus; Et in fine,*
Gloria Patri, & Filio, & Spiritui Sancto, &c.

*Cum autem pervenerit ad Ecclesiam vel Cæmete-
rium, dicatur:*



Antiph. Hic accipiet. E u o u a e.

Psalms 23.

Domini est terra, & plenitudo ejus: orbis
terrarum, & universi qui habitant in eo.

Quia ipse super maria fundavit eum: &
super flumina præparavit eum.

Quis ascendet in montem Domini: aut
quis stabit in loco sancto ejus?

Innocens manibus & mundo corde: qui
non accepit in vano animam suam, nec jura-
vit in dolo proximo suo.

Hic accipiet benedictionem à Domino: &
misericordiam à Deo salutari suo.

Hæc est generatio quærentium eum: quæ-
rentium faciem Dei Jacob.

Attollite portas principes vestras, & ele-
vamini portæ æternales: & introibit Rex
gloriæ.

Quis est iste Rex gloriæ? Dominus fortis
& potens, Dominus potens in prælio.

At-

Attollite portas principes vestras, & elevamini portæ æternales: & introibit Rex gloriæ.

Quis est iste Rex gloriæ? Dominus virtutum ipse est Rex gloriæ.

Gloria Patri, & Filio, & Spiritui sancto.


Sicut erat in principio & nunc & semper, &c.




Antiph. Hic accipiet benedictionem à Do-



mino, & misericordiam à Deo salutari



suo; quia hæc est generatio quæren-



tium Dominum.

Interea ad sepulchrum perveniens, illud aspergit aquâ benedictâ, atque thurificat, dicens: Sanctificetur sepulchrum istud, in nomine Patris, & Filii, & Spiritus sancti. Resp. Amen.

Cum

Cum deinde parvuli funus in sepulchrum ponitur, dicit: Sumat Deus quod suum est; corpus de terra formatum est, spiritus de sursum inspiratus est. Et statim illud aspergit aquâ benedictâ, & thurificat.

Deinde palâ ter superiniciat terram, dicendo: Memento homo, quia pulvis es, & in pulverem revertêris.

Postea dicit: Kyrie eleison. Christe eleison. Kyrie eleison. Pater noster, &c. Vers. Et ne nos inducas in tentationem. Resp. Sed libera nos à malo. Vers. Sinite parvulos venire ad me. Resp. Talium est enim regnum cælorum. Vers. Dominus vobiscum. Resp. Et cum spiritu tuo. Oremus.

OMnipotens sempiterne Deus, sanctæ puritatis amator, qui animam hujus parvuli ad cælorum regnum hodie misericorditer vocare dignatus es: digneris etiam, Domine, ita nobiscum misericorditer agere, ut, meritis tuæ sanctissimæ Passionis, & intercessione beatæ Mariæ semper Virginis & omnium Sanctorum tuorum, in eodem regno nos, cum omnibus Sanctis & electis tuis, semper facias congaudere.

DEus, in cuius miseratione, animæ fidelium requiescunt, famulis & famulabus tuis

omni-

omnibus, hic & ubique, in Christo quiescentibus, da propitius veniam peccatorum, ut, à cunctis reatibus absoluti, tecum sine fine lætentur. Per eundem Dominum nostrum Iesum Christum, qui *Ec.*

Vers. Requiescant in pace. *Resp.* Amen.

DE SACRAMENTO ORDINIS.

I.



*O*tum hujus Sacramenti ministerium ad Episcopos pertinet; non tamen à Parochis prorsus ignorandum; ut, dum aut Ordinandorum confessiones audiunt aut alioqui eos instruere volunt, sciant, quomodo eorum saluti rite & apte consulant; & intelligant, quales ipsi Sacerdotes, tam ordinati, quam ordinandi, esse debeant.

II. Ordo igitur est Sacramentum, quo, quibusdam verbis ac rebus, Ordinato traditur potestas conficiendi Sacram Eucharistiam; aliaque Ecclesiastica munia rite obeundi, vel ministrandi.

III. Sacramentum hoc, habet pro materia, varia instrumenta, quæ, pro singulorum Ordinum ratione, ordinandis ab Episcopo traduntur.

IV. Forma etiam, pro graduum varietate, in singulis Ordinibus diversa est: ea enim sunt verba, quæ Episcopus profert, cum materiam singulorum Ordinum, & potestatem ministrandi, in Ecclesia tradit: & requiritur, ut Ordinandi tangant manu materiam simul, dum Episcopus verba formalia pronunciat.

V. Quod ad numerum Ordinum attinet, sunt septem: Minores quatuor; nempe Ostiarius, Lectoratus, Exorcistatus, & Aco-